

同治上海縣志

卷三十

雜記一

卷三十一

雜記二

同治上海縣志卷三十

雜記一

祥異

三國吳建興二年甲辰冬十一月有大鳥五見於春申吳人以爲鳳凰明年改元五鳳

齊建武二年乙亥三年丙子四年丁丑每秋七八月輒大風三吳尤甚發屋折木殺人

梁天監元年壬午秋八月壬寅熒惑守南斗占曰糴貴五穀有災吳越是歲大旱米斗五千人多餓死

宋建隆二年辛酉秋七月壬戌大風拔木九月庚戌夜地震響如雷

元至元二十九年壬辰夏六月大水

丁未年三月五日利七月剪大屈屋瓦皆飛繼而海溢傷人民

壞廬舍

九年丙午旱蝗

十年丁未饑

皇慶元年壬子八月大風海溢

延祐三年丙辰大水

四年丁巳大饑

七年庚申大旱

附袁介踏災行有一老翁如病起破衲毳移瘦如鬼曉
來扶向官道旁哀告行人乞錢米時予奉檄離江城邂逅
一見憐其貧倒囊贈與五升米試問何故為窮民老翁答
言聽我語我是東鄉李福五我衣買得犁與鋤朝耕暮耘受
三十分畝延祐七年三月初賣衣買得犁與鋤朝耕暮耘受
辛苦要還私債輸官租誰知六月至七月雨絕無潮又
竭欲求一點半點水卻比農夫眼中血滔滔黃浦如溝渠
農夫爭水如爭珠數車相接接不到稻田一旦如沙塗官

司八月受災狀我恐徵糧喫官棒相隨鄰里去告災十石
官糧望全放當年隔岸分吉凶高田盡荒低田豐縣官不
見高田旱將謂亦與低田同文字下鄉如火速逼我將田
都首伏只田頃我不肯首卻把我田批作熟太平九月開
早倉主首貧乏無可償男名阿孫女阿惜逼我嫁賣賠官
糧阿孫賣與運糧戶即日不知在何處可憐阿惜猶未笄
嫁向湖州山裏去我今年已七十奇飢無口食寒無衣東
求西乞度殘喘無因早向黃泉歸旋拭額邊淚我忽
驚慚汗沾背老翁老翁弗
復言我是今年檢田吏

至順元年庚午秋閏七月大水爲災道殣相望

元統二年甲戌夏五月兩霍大者如雞子小者如蓮荷皆有一眼若雕琢然

後至元三年丁丑饑願府志夏六月間詔選童男女

一時嫁娶殆盡平江蘇達卿時爲縣吏有女年十二贊里人浦仲明子爲婿明年生一子

至正四年秋七月李君佐過浦見一青雞立於日上不見其

足李下拜竚觀至沒而去

六年丙戌下沙場有豪姓動以危禍中人有佃戶行商爲人

所負屬豪郭之豪呼場吏使誣以隱藏逃竈吏不從遣爪牙往迫吏不得已許來日從事是日忽有二龍降豪家牀椅窗戶皆自奮擊攝一舟壓折豪股凡龍所過良家無絲豪犯惟附近強梁家悉遭此厄

七年丁亥秋八月十二日浦中午潮退未幾復至

八年戊子夏五月大水

二十二年壬寅秋八月三十四保民金壽家閹狗生小狗八其一爪吻紅如血

二十四年甲辰夏六月二十四日夜海溢

二十六年丙午秋八月有流光旋隕一魚

鄭志云有牧羊兒見之是日縣市又見流星投北卽此時也范志云在浦東俞家橋長盈尺飯店婦鹽漬藏之案農田餘話云張氏有國時邑中墜一海魚長幾二丈名曰闊霸

明洪武三年庚戌秋七月十六日大風塵沙蔽空

八年乙卯秋九月大水饑

明史作十二月

十一年戊午秋七月海溢人多溺死

十八年乙丑至二十年丁卯三年無收飢民至煮子女為食

永樂元年癸未饑

二年甲申夏六月大水饑

三年乙酉春大雨夏六月朔霖雨十日高原積水丈餘

治水尚書夏原吉踏車歎東吳之地真水鄉兩岸漲
非尋常稻疇決裂走魚鼈居民沒溺乘舟航爰遵圖誌窮
源流經營相度嚴咨諏太湖天設不可障松江沙過難為
謀上洋鑿破范家浦常熟挑開福山土泊泊更有白茆湖
浩渺委蛇勢相伍洪荒從此日頗銷只緣田水仍齊腰丁
甯郡邑重規畫集車分布田週遭車兮既集人兮少朝至
農夫下鄉保婦男壯健記姓名盡使踏車宿潦自朝至
暮無停時足行車轉如星馳糧頭里長坐擊鼓相催相迫
惟嫌遲乘舟曉向車邊看忍視艱難民疾患披星戴月夜
忘歸問倚蓬窗發長歎噫嘻我歎誠何如為憐車水工程

殊跼生足底無暇息塵垢滿面無心除數內疲癯多困極
飢腹枵枵體無力紛紛望向膏梁家忍視飢寒那暇卹會
當朝觀黃金宮細將此意陳重瞳願
令天下游食輩扶犁南畝爲耕農

六年戊子夏四月大水

洪熙元年乙巳夏積雨傷稼

宣德七年壬子水災

正統四年己未秋七月大風拔木傷稼

五年庚申水災

九年甲子秋七月十七日大風雨拔木發屋海溢

願府志云平地水深

數尺瀕海有全村決沒者

巡撫周忱奏

冬十二月大雪七晝夜積一

丈二尺民不能出八

景泰五年甲戌春正月大雨雪四旬不止平地積數尺夏大

水大疫

舊志云與永樂三年同

崑山龔詡甲戌民風詩 疫癘饑荒相繼作鄉民千萬死
無辜浮屍暴骨處處有束薪斗粟家家無只緣後政異前
政致得今吳非昔吳寄語長民當自責莫
將天數厚相誣自注云時改周公法也

天順五年辛巳海溢死者無算

八年甲申海溢民饑

成化二年丙戌饑

八年壬辰秋七月十七日大風雨海溢死者萬餘人鹹潮害

稼

案明史作十年

十七年辛丑春夏旱二月地震秋七月大風雨九月十月陰

雨連綿禾稼不登十一月冬至大雷電雨雪

十八年壬寅饑

二十年甲辰夏秋間訛言夜有物八人家遭之者如寐魘或
能傷人又訛言有虎皆盜所爲獲盜遂息

宏治四年辛亥雨水害稼五年壬子復然

六年癸丑冬大寒

八年乙卯夏五月大疫民饑

十一年戊午夏六月十一日海溢

十四年辛酉冬十月十四日地震明史作十一月

十六年癸亥夏四月大雨雹損麥牛馬有擊死者夏秋旱

十七年甲子夏六月十四日五色雲見西北移時乃散

十八年乙丑秋九月十三日有風如火從東南來地大震後

數日有流星如雷墜於海

正德元年前志誤作宏治十九年丙寅大風雨海溢崇明有變邑人恐

四年乙巳秋七月六日雨至十一日晝夜不止瀕海人民廬

舍多湮沒鄭志云父老言過於景泰甲戌與永樂乙酉同冬黃浦冰經月不解車騎負擔

者行冰上如平地有娶婦者迎親而還安行
如初書然一聲崩數畝百餘人無一獲免歲饑

五年庚午夏麥多歧穗

陸深有賦瑞麥賦

五月霪雨

與四年秋同

六月大風

決田圍低鄉復饑疫死幾半冬十一月水

六年辛未夏六月大水龍見黃浦東南所過禾稻盡焦屋廬

亦有壞者

壓死項氏男女七人一人被攝起入空而墮

七年壬申大旱秋七月二十五日大風海水暴漲冬十一月

冬至海上有火如列炬西抵北蔡且聞金革聲望者以為寇

至空巷出走是歲日下復有黑景或三或四隱見不常

八年辛酉夏六月二十八日有星大如月光芒燭天食頃而

滅歲饑

十二年丁丑夏大雨殺麥禾

十三年戊寅夏大雨彌月漂室廬人畜無算秋八月復大水

有九龍戰於海

十四年己卯秋八月大風雨早晚二禾俱損低鄉冬盡猶收穫未竟民大饑

嘉靖元年壬午夏六月東鄉黃氏僕萬全妻生一子頭有兩

肉角目在額上而圓雙睛突露如釋道家所畫夜叉聲亦不

類兒啼遂棄諸河或謂旱魃秋七月朔大風自北來拔木飛瓦二

十五日大風雨海溢壞官民居崇壽寺銀杏大數圍拔而仆

地至冬一夕自立陸深重廿五行云前月今日風若掣今月今日雨不絕顏垣敗壁補未完注棟傾盈

勢尤烈蓋紀實也

二年癸未夏六月朔大雨雷火燔松江道院秋八月大水

三年甲申春正月地震二月十五夜復震

八年己丑秋七月飛蝗蔽天颶風大作驅蝗入海遺種化爲

解食稻

前志作三年七月誤

九年庚寅夏旱

十八年己亥春二十九保鵲巢於田羣鵲繞之大可圍二塍三月二十六日有白光如斗從西北來曳尾如練久之向西南墜其聲若雷震秋閏七月三日海嘯風從東北起漂没人民數萬

十九年庚子夏六月大水秋七月瀕海潮溢傷稼淹人

二十三年甲辰旱

二十四年乙巳大旱赤地米價騰貴

每石一兩六錢

三十年辛亥地震白毛生

長七八尺民間牀壁下亦有之先是童謠云地上白毛生妻兒老小

一同行高橋鎮民家雞作人言

云燒香望和尚一事兩勾當應來年倭寇

三十一年壬子兵庫聲吼旗竿現火光

是年倭奴浮海燒香羊山遂登岸焚掠人

民逃散

三十三年甲寅三十四年乙卯連歲大疫民死殆半

六門出
樁車日

以百數官肆不能給多以葦席裹
尸至有一家相枕藉無收斂者

三十五年丙辰夏黑晝見譁言有物若狐狸夜入人家擊銅

器驅之兩月餘始息

據陳府志在三十七年
云民間訛言有狐爲祟

三十六年丁巳大疫

四十年辛酉秋大水饑

四十五年丙寅秋大風雨壞城市廬舍牌坊石柱俱爲之搖

動

隆慶元年丁卯春三月枯樹中煙出如縷夏四月民家生豕

左踣爲人手夏六月大風海溢民大饑冬訛言詔選宮女民

間男女無論老幼婚娶無虛日配多非偶

張所敬有詩云馬
上郎君尙乳臭魚

軒新婦猶呱
呱蓋紀實也

二年戊辰元旦大風揚沙白晝晦冥嗣復大水冬十月雷電
桃李華麥秀梅杏實

三年己巳夏六月朔海溢大風從東南來漂沒人畜無數秋
九月八日暑如盛夏雷震九日寒如嚴冬雷震達旦

萬歷三年乙亥秋九月大水

四年丙子饑

五年丁丑夏六月寒如冬令霖雨傷稼冬十月彗星見西方
大如車輪

七年己卯大水

十年壬午秋七月十三日大雨海溢壞禾棉漂沒人畜無算
歲大饑冬十月十三日颶風從西北來江濤陡作舟多覆沒

邑丞曹詩詣
府覆舟死之

十一年癸未春正月朔地震

十四年丙戌春二月乙未晦雨黃沙

是日採野蔬食者皆病

冬雨木冰

范志云謂之木介晴霽之朝枝葉四面皆冰如玉樹又諺云木生稼達官怕

十五年丁亥春正月雨木冰夏五月至秋七月淫雨不止

府志

云自春及冬僅二月晴前志云夏秋大旱萍藻盡枯與此不符

異雷颶風麥豆花稻俱傷冬

斗米千錢食物價逾三倍

十六年戊子春大旱大疫民死無算夏五月大水秋七月大

風拔木仆屋田禾俱盡民大饑

時斗米銀二錢斗麥銀一錢人啗糟糠屑豆餅作粥繼以

草根木葉飢民相枕藉築點者煽眾環富室告貸尋間入室中盡奪其所有報復殺傷甚眾監司憂禍且不測亟上其事

詔用重典殲其渠魁人

心乃定此為一大變云
黃體仁紀事歌
昔年倭奴入中國中國猶能禦蠻貊今
年中國自相殘四方感憾將奚適平居往來共里井須臾

醜爵變矛戟青天無雲驚轟雷白日飛沙亂走石千人嘯
聚若豺虎素封立破何虺蜴富家累積成金穴那知強反
爲弱厄奸民掉尾游釜中見金不見法三尺一朝屠戮骨
俱灰攫金仍入他人宅天災流行亦時有澆風肆毒中肝
膈誰生厲階至此梗捐膺涕泣空歎惜遙憶開倉汲大夫
還向青州歌遺澤古來救荒信無奇烹鮮不擾眞長策

十七年己丑春正月雨木冰如箸大饑夏五月大旱至七月

不雨海溢六月十八日癸巳雪范志云月中飛下紛若吹絮擘之皆六出

十九年辛卯夏六月大水秋七月辛巳海溢自一團至九團幾及百里大

雨徹晝夜平地水深二尺餘沒廬舍人畜無算城門晝閉訛

言倭寇至民爭入城凌藉死者數十人居民求屍海濱潮至羣走遂傳爲寇警

冬十月雷電時作晦夕大震

二十三年乙未春正月天鼓鳴地震自西至東南屋宇動搖

二十六年戊戌春三月二十九保娠婦嘔一兒長四五寸形體都具擲之即失

二十七年己亥秋七月甲戌城鄉徧地鬼嘯時以紙礮震之民間謠曰天上

鬼車叫城中放紙礮不知因甚來朝廷要納鈔次年果抽稅
是年新場民嚴四家生一白豕人身鼻方而長前足皆手

二十八年庚子倉側民家生水犢兩手六足前四後二

二十九年辛丑春

明史有夏字

霍雨傷麥溝渠皆溢

三十二年甲辰二龍鬪於黃浦孫家灣大木盡拔毀廬舍

三十六年戊申夏六月白龍見於黃浦龍華港

日光如電一神人立其首

是歲大水麥禾被淹民大饑

三十七年己酉饑

三十八年庚戌春閏三月二十四日庚子夜驟雨城鄉鬼嘯

徹旦夏四月癸未白虹貫日

泰昌元年庚申秋八月丁卯日沒後有白虹數丈自西北橫

亘東南冬十月二十日寅刻震電是夜月圓如望

天啟二年壬戌春二月庚寅黃沙四塞日色黯白壬辰雨沙